

戶部則例





直省編審冊只有口數並無戶數  
現在行文各省查報俟覆齊之日  
再行添註

戶部則例

戶口

一戶口總數順治十八年直省人丁二千一百

六萬八千六百口○康熙二十四年直省人丁

二千三百四十一萬七千四百八十有八口○

雍正二年直省人丁二千四百八十五萬四千

九百十八口○乾隆十三年直省人丁

戶一萬七千七百四十九萬五

千三十有九口

直隸戶三百一萬二千三十口一千三百九十



三萬三千二百五十有八○

盛京戶

口四十萬六千五

百一十有○山東戶

口二千四百一萬一千八百二十有九○山西

戶百七十七萬七千七百九十有五○口九百五

十萬九千二百六十有六○河南戶二百九十

六萬六千三十有六○口千二百八十四萬七千

七百有九○江南江蘇戶

口二千九十七萬二千四百三十有七○安

徽戶

口二千一百五十

六萬七千九百二十有九○江西戶二百十四

萬六千七百十有○口八百四十二萬八千二

百有五○浙江戶二百七十萬九千八百十有

八○口千一百八十七萬七千四百三十有六○

福建戶口七百六十二

萬四百二十有九○湖廣湖北戶百七十三萬

八千八百二十有六○口七百五十二萬七千四

百八十有六○湖南戶百六十六萬四千七百二

十有○口八百六十七萬二千四百三十有三

○陝西西安戶口六百



七十三萬四千一百五十有八。甘肅。戶

口五百七十萬九千五百二十

有六。○四川。戶七十一萬四千六百九十有五。

口二百五十萬六千七百八十。○廣東。戶

口六百四十六萬六百三十有

八。○廣西。戶九十三萬九千一百有四。口三百

六十八萬七千七百二十有五。○雲南。戶三十

六萬五千八百四十有九。口一百九十四萬六

千一百七十有三。○貴州。戶六十萬七千七十

有六。口三百七萬五千一百十有一。

一編審。順治五年題准。三年一次編審天下戶

口。責成州縣印官。察照舊例。攢造黃冊。以百有

十戶爲里。推丁多者十人爲長。餘百戶爲十甲。

城中曰坊。近城曰廂。在鄉曰里。各設以長。每遇

造冊時。令人戶自將本戶人丁。依式開寫。付該

管甲長。該管甲長。將本戶并十戶。造冊送坊。廂

里各長。坊廂里各長。將甲長所造文冊。攢造送

本州縣。該州縣官。將冊比照先次原冊。攢造類

冊。用印解送本府。該府依定式。另造總冊一本。

書名畫字用印。申解本布政使司。造冊時。民年



六十以上者開除。十六以上者添注。○十一年覆准。每三年編審之期。逐里逐甲。察審均平。詳載原額。新增開除實在。每名徵銀若干。造冊報部。如有隱匿捏報。依律治罪。○十三年覆准。五年編審一次。○十五年議准。各省編審人丁。五年一次造冊具題。於編審次年八月內到部。如不照限題報者。經管官俱照違限例議處。府州縣編審年分。借名造冊科派者。從重治罪。督撫不行參究。一并議處。○康熙十一年覆准。直省編審概令繕疏具題。○二十六年覆准。編審缺

額人丁。令該撫陸續招徠。於下次查編補足。○五十二年

恩詔

嗣後編審增益人丁。止將滋生實數奏聞。其徵收辦糧。但據五十年丁冊。定為常額。續生人丁。永

皇恩

永不加賦。○五十五年覆准。新增人丁。補足舊缺額數。除向係

照地派丁外。其按人派丁者。如一戶之內開除一丁。新增一丁。卽以所增抵補所除。倘開除二三丁。本戶抵補不足。卽以親族之丁多者抵補。又不足。卽以同甲同圖之糧多者頂補外。其餘



丁歸入滋生冊內造報○五十六年題准續增人丁既不加賦將增丁之州縣官員議叙停止○又題准如有州縣將滋生人丁私行科派者該督撫卽行題叅○乾隆元年議准滋生戶口每逢五年務須據實查造實力奉行不得視爲具文脫戶漏口○五年議定直省督撫於每歲十一月將各府州縣戶口增減繕寫黃冊具奏仍將奏明數目報部查覈彙奏○又覆准造報民數每歲舉行爲時既近而自通都大邑以及窮鄉僻壤戶口殷繁若每年俱照編審造報誠

恐紛煩滋擾查各州縣設立保甲門牌土著流寓一切臚列原有冊籍可稽若除去流寓將土著造報卽可得其數目令該督撫於每年仲冬將戶口實數與穀數一併造報以免紛擾至番疆苗界向不入編審不必造報

一清釐丁役順治四年題准編審人丁凡年老殘疾并逃亡絕戶悉行豁免○十三年議准江南通計州縣田地總額與里甲之數均分辨糧當差豪戶不得多占隱役苦累小民其推收編審悉照均田均役聽民自相配搭○又覆准屯



丁納銀准免民田重科○康熙五年覆准廣西  
西隆州西林縣改歸內地停其編丁○三十五  
年覆准雲南兵丁除本身外其兄弟親族等餘  
丁悉行查出編入丁數輸稅○四十年覆准四  
川東川府僻處極邊難與腹裏州縣一例編丁  
應停其編審雍正四年改隸雲南省○五十三年覆准甘  
肅實在無業窮民編入丁冊免其納丁○五十  
五年議准買賣地畝其丁銀有隨地起者即隨  
地徵丁倘有地賣丁留與受同罪○雍正六年  
覆准河東鹽池渠堰歲修大修既有動支之費

其鹽丁民夫永裁將丁夫編入民籍與民一例  
差役○七年議准廣西寧明東蘭二州以土改  
流免其編審○九年覆准停止廣西歸順州編  
審○十一年覆准滇省緬寧地方改土歸流停  
其編入丁冊

一口賦直隸布政使司所屬人丁每口三分至  
二兩六錢有差民丁屯丁稅共四十有二萬四  
千四百四十四兩一錢九分八釐遇閏加徵一  
萬六千二百八十兩九錢四分二釐五毫○奉  
天府尹所屬人丁每口一錢五分至二錢有差



遇閏不加徵○山東布政使司所屬人丁每口五分三釐九毫零至七錢八分零有差共民屯丁稅三十四萬七千四百四十九兩八錢八分有奇遇閏加入地畝內徵解竈丁稅六千六百二兩六錢三分三釐有奇○山西布政使司所屬人丁每口一錢至四兩五分三釐零有差更國初以明代各藩所占之屯歸民屯丁口墾種曰更名田因有更名丁後同一錢至三錢零有差共銀五十六萬三千七百一十三兩九錢九分零地差銀七萬八千二百九十三兩二錢零遇閏不加徵○河南布政使

司所屬人丁每口一分至二錢零有差收併衛所口二分至一兩五錢有差共民丁稅十一萬三千一百六十兩五錢七分六釐有奇衛所丁稅六千九百四十八兩七錢六分有奇更名寄莊寄糧丁稅一百五十四兩四錢四分八釐有奇遇閏不加徵○江南江蘇布政使司所屬人丁每口一分四釐至二錢零有差別有科錢五文者共民丁稅二十有三萬九千五百四十六兩九錢六分三釐有奇遇閏加徵一千八百二十七兩二錢六分一釐零軍丁稅一萬一千二



百二十四兩五錢九分七釐有奇遇閏不加徵  
安徽布政使司所屬人丁每口五分至五錢一  
分九釐零有差鹽鈔口銀七釐四毫共民丁稅  
二十萬七千八百七十六兩八錢七分有奇遇  
閏不加徵衛所丁稅一萬二千五百七十二兩  
三分有奇遇閏不加徵屯丁稅二十六兩六錢  
九分二釐二毫遇閏加徵二錢二分六釐寄莊  
丁稅八兩九錢六分一釐遇閏不加徵匠班丁  
稅三千八百七十兩三錢零遇閏加徵三錢三  
分七釐五毫○江西布政使司所屬人丁每口

三分二釐零至一兩三錢四分六釐零有差鹽  
鈔小口口二釐六毫零至九釐五毫零有差共  
民丁稅十有八萬三千六百七十五兩有奇遇  
閏加徵一千八百五十五兩零屯丁稅一千三  
百二十六兩零遇閏加徵二十三兩零○浙江  
布政使司所屬人丁每口二釐至五錢七分二  
釐零有差別科米二合二勺至三升三合有差  
共民丁稅二十有三萬六千九百九十一兩七  
分有奇遇閏不加徵屯丁稅五百二十七兩六  
錢二分三釐遇閏不加徵○福建布政使司所



屬人丁。每口八分三釐九毫零至二錢九分一釐有差。鹽鈔小口口一分四釐七毫至一分八釐一毫有差。共民丁稅銀十有七萬五千七十五兩四分四釐七毫零。屯丁銀五千四百二十四兩七錢六分五釐五毫零。遇閏不加徵。○湖廣湖北布政使司所屬人丁。每口一錢五分四釐零至六錢四分三釐八毫零有差。共民屯丁稅十萬九千九百九十九兩五錢四分有奇。遇閏不加徵。湖南布政使司所屬人丁。每口三分零至八錢三分五釐零有差。共民屯丁稅七萬

七千三十六兩四釐有奇。遇閏不加徵。○陝西西安布政使司所屬人丁。每口二錢。共民屯丁稅二十四萬三百十三兩一錢五分有奇。遇閏加徵八千七百二十七兩八錢三分有奇。甘肅布政使司所屬人丁。每口二錢。共民屯丁稅六萬一千九百四兩三錢三分有奇。分河東河西河東。遇閏加徵二千四百三十三兩七錢四分有奇。河西。遇閏不加徵。○四川布政使司所屬人丁。每口一錢二分至五錢一分零有差。共丁銀五萬六千九百九十一兩八錢二分一釐四



九  
毫零。○廣東布政使司所屬人丁。每口一釐九毫零。至一兩三錢二分六釐零有差。共民丁屯丁黎丁稅十有二萬三兩七錢九分有奇。遇閏加徵五千五百十八兩四錢七分九釐有奇。○廣西布政使司所屬人丁。每口一錢五分至四錢五分二釐零有差。共民屯丁稅四萬六千三百三兩一錢零。遇閏加徵三百二十四兩二錢。○雲南布政使司所屬人丁。每口三分至五錢五分有差。共民站丁土步軍丁魚戶丁銀二萬九千三百三十九兩一錢二分六釐。新增威遠

三圈。蠻令等村。丁銀三十二兩。新增貴州威寧州。撥歸宣威州。丁銀三十四兩八錢。遇閏不加徵。○貴州布政使司所屬人丁。每口一錢五分零至四兩零有差。共民丁夷丁稅銀一萬三千七百八十一兩一錢二分有差。遇閏加徵六百六十三兩四錢三分有奇。

一丁銀攤徵。直隸所屬。雍正元年覆准。丁銀均攤地糧之內徵收。每地賦銀一兩。合攤丁銀二錢七釐零。又雍正六年題准。長蘆利民等八場。竈丁銀攤入各場。竈地徵收。每畝徵銀六釐至



一分不等。○奉天府尹所屬丁銀以入籍民人  
添除不定。仍照舊例丁地分徵。不攤入地畝。○  
山東所屬康熙四十一年覆准。匠班銀歸入地  
丁徵收。雍正三年覆准。凡州縣衛所各項丁銀  
皆攤入地畝內徵收。每地賦銀一兩。合攤丁銀  
一錢一分五釐。乾隆二年題准。永利等十場下  
刺一半竈戶丁銀。全攤入各場竈地徵收。每畝  
徵銀一分四毫零。○山西所屬丁銀。有攤入地  
畝者。亦有不攤入地畝者。各隨風土民情徵收。  
乾隆十年議准。山西丁糧分辨。貧民偏累尚多。

丁銀攤入地畝。有勢所難行者。將太原等十八  
縣丁銀。全數攤入地畝。每糧一石。合攤丁銀一  
分八釐。至二錢二分二釐。每地賦銀一兩。合攤  
丁銀一錢四分七釐九毫。至三錢三分八釐零  
不等。交城等十五縣丁銀。一半攤入地畝。寧鄉  
等二縣丁銀。照下則徵收。餘銀攤入地畝。渾源  
等二州縣丁銀。三分之一。攤入地畝。河曲縣丁  
銀。十分之一。攤入地畝。吉州。將無業苦丁。攤入  
地畝。變通攤徵。其餘陽曲等四十二州縣。或係  
貿易民多。輸丁為易。農民不願代納。或係接山



傍水地瘠民貧丁銀難於攤徵或係地臨邊隅田多沙灘不便加徵地糧或係多徵本色丁徭最重額賦不能強同仍照前丁地分辦別有陽曲等八縣屯丁徭銀亦全數攤入屯地徵收○河南所屬雍正四年覆准丁銀攤入地畝徵收每地賦銀一兩合攤丁銀一分一釐七毫六絲至二錢七釐二絲零不等○江南江蘇所屬雍正五年題准丁銀在於各屬田地項下攤徵省衛外衛丁銀在於各屬屯衛田地項下攤徵均每畝攤徵丁銀一釐一毫至六分二釐九毫零

不等安徽所屬雍正五年題准丁銀在於各屬田地內攤徵各衛所屯丁在於各屬屯衛田地內攤徵每畝攤徵丁銀一釐一毫至六分二釐九毫零不等又婺源縣寄莊人丁又匠班銀均在田地內按畝攤徵○江西所屬雍正五年覆准丁銀攤入田畝屯糧內完納每地賦銀一兩合攤徵丁銀一錢五釐六毫屯丁每兩徵丁銀二分九釐一毫零乾隆十一年

諭向來江西省每逢編審之年丁男之外又有婦女蓋緣從前有鹽鈔一項分給小戶計口納鈔既有



婦女應徵之項。則不得不稽其存亡增減。是以入於編審之內也。今食鹽課久經攤入地糧。而該省尚循舊例辦理。朕思從前照鹽納價。編審尚屬有名。今鹽鈔既已攤入地糧之內。則是婦女已無可徵之項。何必存此編審虛名。徒滋擾累。嗣後編審婦女著行停止。欽此。○浙江所屬康熙十一年定食鹽鈔銀均攤入地丁內徵收。三十六年覆准匠班銀七千四百九十兩零均攤於通省地丁下帶辦。雍正四年覆准各屬丁銀以通省之田畝均攤。每田賦銀一兩均攤丁銀一錢四釐五

毫零不等。○福建所屬雍正二年議准就各州縣地畝分攤。每地賦銀一兩合攤丁銀五分二釐七毫至三錢一分二釐零不等。屯地每兩徵丁銀八釐三毫至一錢四分四釐八毫零不等。乾隆十二年題准臺灣官莊田園共五十八萬三千三百七十八畝零。每畝勻丁銀四釐一毫零至八釐六毫不等。共人丁銀三千七百六十五兩四錢。勻入田園徵收。至各番眾所耕田地。槩不完賦。祇就丁納銀。仍照舊完納。毋庸攤入田畝。○湖廣湖北所屬康熙三十九年覆准匠



班銀。照浙江之例。歸入地丁徵收。雍正七年題  
准。各屬丁銀。均勻攤入民賦。及更名田地條餉。  
每地賦銀一兩。合攤丁糧一錢二分九釐六毫。  
零。惟江夏等十九州縣。向有重丁銀兩。除抵減  
豁免外。攤入地賦。銀數多寡不等。江夏縣民賦  
田。及更名田。每兩派徵丁銀一錢一分九釐七  
毫零。嘉魚縣民賦田。每兩攤丁銀一錢二分九  
釐六毫零。更名田。每兩派丁銀六分六釐零。漢  
陽縣民賦田。每兩攤銀八分五釐六毫零。更名  
田。每兩派銀五毫零。漢川縣民賦田。每兩攤丁

銀四分七釐零。更名田。每兩派丁銀二分一釐  
三毫零。孝感縣民賦田。每兩攤丁銀一錢二分  
九釐六毫零。更名田。每兩派丁銀一錢一釐二  
毫零。蘄水縣民賦田。及更名田。每兩攤丁銀八  
分二釐六毫零。黃安縣民賦田。及更名田。每兩  
攤丁銀一錢一分八釐二毫零。黃梅縣民賦田  
及更名田。每兩攤丁銀一錢二分八釐一毫零。  
廣濟縣民賦田。及更名田。每兩攤丁銀一錢二  
分三釐八毫零。鍾祥縣民賦田。每兩攤丁銀一  
錢二分九釐六毫零。更名田。及屯田。每兩派丁



銀六釐二毫零。潛江縣民賦田及更名田每兩攤丁銀一錢二釐七毫零。沔陽州民賦田及更名田每兩攤丁銀一錢二分九釐六毫零。天門縣民賦田每兩攤丁銀一錢二分九釐六毫零。更名田每兩派丁銀九釐二毫零。荊門州民賦田及更名田每兩攤徵丁銀一錢一分八釐八毫零。江陵縣民賦田每兩攤丁銀一錢二釐三毫零。更名田每兩攤丁銀三毫零。石首縣民賦田及更名田每兩攤徵丁銀一錢七釐一毫零。監利縣民賦田及更名田每兩攤徵丁銀七分。

八釐七毫零。松滋縣民賦田每兩攤丁銀一錢一分三釐九毫零。更名田每兩攤丁銀三釐二毫零。棗陽縣民賦田每兩攤丁銀九分五釐九毫零。更名田每兩攤丁銀九分五釐九毫零。更名田每兩攤丁銀九分五釐九毫零。其餘各屬皆照一錢二分九釐六毫零均攤。湖南所屬雍正六年題准民丁及更名田丁屯丁各歸各縣攤入田糧銀內徵收。每地賦糧一石合攤丁銀一毫四絲至八錢六分一釐零不等。○陝西西安所屬雍正四年題准民屯更名地等丁攤入地糧徵收。每地賦銀一兩合攤丁銀一



錢五分三釐遇閏。每銀一兩合攤丁銀一錢五分七釐零。甘肅所屬民屯更名監牧等丁。雍正六年題准。甘屬河東地。糧輕而丁多。河西地。糧重而丁少。不能通省一例。攤派河東。每銀一兩攤丁銀一錢五分九釐三毫零。遇閏。每銀一兩加徵一錢七分四釐八毫。河西。每銀一兩攤丁銀一分六毫零。遇閏不加徵。○四川所屬丁銀向係以糧載丁徵收。經年已久。惟威州等十一州縣係丁地分徵。雍正四年題准。威州等十一州縣自五年為始。亦令以糧載丁。每糧五升二

合至一石九斗六合零不等。算人丁一丁徵收。○廣東所屬康熙五十五年議准。丁銀就各州縣地畝分攤。每地賦銀一兩均攤丁銀一錢六釐四毫不等。○廣西所屬雍正六年題准。丁銀就各州縣地畝分攤。每地賦銀一兩均攤丁銀一錢三分六釐零不等。○雲南所屬雍正二年題准。各項丁銀均攤入民賦田地項下徵收。每畝合攤丁銀三釐六毫至七釐六毫不等。○貴州所屬黃平州。餘慶。甕安。湄潭等縣夷民。原未審丁徵差。例係隨田。每畝帶派丁銀四釐不等。



平越府人丁均係招集流寓苗夷去來不定難以編審係徵收田畝銀內每兩帶丁差銀七分九釐零玉屏青溪等縣原額丁銀攤入田地塘糧內分派帶徵每糧一石載丁銀一錢四分零不等遵義府黔西州畢節縣田地糧內每糧一石二斗零載一丁照糧算丁其餘各屬丁差銀兩均係按丁徵收不攤入地糧之內

一新墾升科分攤雍正三年覆准山東布政使司所屬州縣衛所各項丁銀均攤入地糧內徵收其開墾地畝俟升科後遇五年編審之期合

一縣丁銀計新舊地銀按糧攤減各就一縣之地均算○雍正四年覆准河南丁銀攤入地畝嗣後遇有報墾升科將丁銀隨年別行均派○雍正十一年議准湖北於雍正七八九年各屬開墾田地新升糧銀九千四百一兩四錢八分零抵減漢陽等八縣重丁銀兩又新升糧銀內應派丁銀一千二百十八兩九錢零先儘鍾祥一縣攤減其江夏等十一州縣并漢陽等八縣未經抵足重丁銀八千三百零八兩全行豁免一保甲州縣城鄉十戶立一牌頭十牌立一甲



頭。十甲立一保長。戶給印牌一張。書寫姓名丁數。出則注明所往。入則稽其所來。其客店亦令各立一簿。每夜宿客姓名人數。行李牲口幾何。作何生理。往來何處。逐一登記明白。至於寺觀亦分給印牌。上寫僧道口數姓名。稽察出入。○雍正十一年議准。臺屬村莊。居人流寓者多。除自立產業。兼有父母妻子者。自有十家甲牌可稽。其並無家室產業。如佃戶傭工貿易之人。取具業主房主隣右保結。附於甲牌之末。彙報督撫存查。如業主房主隣右保結匪人。事發連坐。

先首者免罪。○乾隆元年議准。江西設立保甲。城鄉鎮集。人烟稠密之所。按戶編查。至窮鄉僻壤。零星居住之民。一村一莊。止數家者。難於編設。令州縣官詳酌形勢。妥協辦理。勿任吏胥夤緣爲姦。派累戶民。其餘各省。均聽該督撫自行酌量辦理。○十一年議准。行令直省督撫。轉飭所屬。將見行保甲門牌冊籍。實力稽查。其有倡爲邪說。歛錢作會。以及往來無定。行踪可疑之輩。鄉保不得徇隱。地方官立即查究。○十二年題准。浙江玉環一山。管轄島嶼。飭令該管文武



員弁會同清釐界址。分立都圖。查編保甲。在畧民人。分別是農是漁。果是耕種農民。准其居住。如係漁戶。不許溷雜占居。

一流寓異地。順治十年題准。凡外省流民。附籍年久者。與土著之民。一體當差。○康熙四年覆准。罷職官員。本身寄居各省者。勒令回籍。若本身既歿。子孫有田土丁糧。已入版圖者。回籍附籍。聽其自便。○十年定。各省貧民。攜帶妻子入蜀開墾者。准其入籍。○二十六年題准。凡身隸奉天府版籍。應順天文武鄉試中式者。卽令於

奉天所屬州縣居住。如有居住原籍。并別省者。該府尹察出。送部褫革。其入籍出仕之員。解任後。居住別省。該撫查明題參。仍令於奉天所屬地方居住。如各省容留不行察出。將地方官。及該督撫。一并處分。○二十九年覆准。川省民少。而荒地多。有情願往川墾荒居住者。子弟准入籍考試。如中式後回籍。并往別省居住者。禁止。

○五十一年

諭武官駐劄地方。不許入民籍。立產業。其已立產業者。令變賣回籍。若身歿後。有實不能遷移者。督撫查明



具題○雍正元年議准提督總兵副將等官均不許在伊見任地方置立產業。卽丁憂休致事故解退之後亦不許在彼處入籍居住。此內或於任內置有產業已經身故及不能回籍者該督撫詳晰具奏請

旨定奪。叅將以下等官任所置有產業或係本身休致事故解退或已經身故子孫留任任所有欲在彼入籍者皆許令該地方官報明督撫卽准其入籍居住。田土丁糧與土著之民一體輸納。○乾隆二年議定武職緣事革職之員果無原

籍可歸如任所地方安葬祖父墳墓經年已久不得已欲在彼入籍者副將以上等官該督撫具奏請

旨定奪。叅將遊擊都司該督撫確實查明報部兵部再咨查該員原籍地方如果無產業宗族該原籍地方官出具印結送部卽准其任所入籍免回原籍。如係假捏希圖逗遛任所者將該員照例治罪押回原籍其不行詳查出結之地方官照濫行出結例議處守備以下革職微員如本籍果無戶口墳墓取結報部聽其入籍當差。○



四年議准貧民入川墾地者聽其散居各府州縣佃種傭工爲餬口之計該督撫將姓名籍貫開造移查各原籍限文到三月內備造清冊回覆川省核實稽查其素非良善者逐回如實係安分貧民無力佃種者酌撥地畝給與牛具籽種耕墾分別水田旱地及領墾年分報部升科自行傭工開墾者聽其自便情願回籍者給與印票仍令造冊存案其散往各府州縣佃種者責令佃主出結貿易者市鄰出結依附親故者親故出結寄宿寺廟者留宿地主出結仍與土

著一體編入保甲互相覺察如有生事可疑之人許原出結人呈報并許鄉保鄰人等首報仍令該地方官不時稽查如有失察者叅處○又議准江南浙江福建府州縣內搭棚山居以種麻種靛煽鐵開爐造紙做菰等項爲資生之計者其間土著甚多亦有鄰省失業流寓之人著照保甲例按戶編查責成地主并保長出具保結呈送州縣官據冊稽查倘居住星散不論棚數多寡自爲一甲互相稽察內有已置產業并願投認絕戶丁糧入籍者俱編入土著一體差



役至有四五百戶以上者。該管官卽於棚居鄉壯內揀選保甲長承充巡查。仍於農隙時逐棚親查。不得借端需索。其見在有願回籍者聽。仍將姓名開除。勿令復至。若招引匪類潛匿編戶地主保長不行首告者連坐。該管官以失察議處。○又議准廣東州縣有入山搭寮取香木春粉砍柴燒炭爲業者。照保甲例編查。每寮給牌一張。令寮人互相保結。擇老成謹慎者爲寮長。寮戶聽其鈐束。遇有遷移增添寮長及互結之人將牌赴縣添除。倘窩藏姦宄容隱不報者發

覺連坐。寮長照總甲容留棍徒例治罪。至凡業主招佃搭寮必將寮丁報官。或係官山前往搭寮墾種者。赴官報明查驗。違者照盜耕田畝律治罪。山主照違令律治罪。其墾種之地以十年起科。卽與爲業。仍令州縣民壯每月巡查。如有匪類在山出入。寮民能獲一名者賞銀三兩。能獲案犯之盜賊。每名賞銀二十兩。多獲者按數加賞。文武官不經心約束以致窩匪者。照例議處。○又議准船廠等處有直省百姓情願入籍者。准其入籍。但不得容匿逃人重犯改換姓名。



潛居其地。必行文各原籍查覆到日。於戶口冊內。照奉天所屬民人。每名徵丁銀一錢五分。○八年奏准。山西陝西邊外蒙古地方種地民人甚多。其間奸良難以分晰。應設立牌頭總甲。令其稽察。即於種地民人內。擇其誠實者。每堡設牌頭四名。總甲一名。如種地民人內。有拖欠地租。并犯偷竊等事。及來歷不明之人。即行報明治罪。如通同徇隱。將該牌頭等一體治罪。○十年題准。粵省在臺灣人民。情願挈眷者。止許搬取妻子。令地方官取具隣右保結。照內填注名

數。如地方官不查明。濶行給照。照濫給印結。例議處。本人嚴加治罪。○十二年題准。挈眷赴臺灣完聚者。地方官取具鄰右保結。將搬取祖父。母。父母。妻室。子女。幾名口。填注照內。如乘機攜帶親族。濶行給照者。地方官照濫給印票。例議處。本人嚴加治罪。其親族有暫時赴臺灣探視者。開明姓名年貌。呈本籍本地方官註冊。仍填給印照。限定五個月。回內地銷照。若屆期有疾病。事故淹留者。臺地印官。於回籍文內聲明。凡州縣填照給文。密封交本人齎投。廈防臺防二



廳兩經拆驗。易文封照。交本人親投臺屬廳縣。驗明留照注冊。有人照不符者。逐回。若由臺回籍。亦照此查驗。凡內地臺地。給照銷案。緣由月底通報督撫稽查。歲底報部查核。○十三年覆准山西陝西邊外。設立總甲牌頭。令其專察不肖人等。如有犯罪。逃往蒙古地方行竊。并情有可疑之人。卽稟明該管各官。解回原籍。該管各官。於每年春秋二季。取具總甲牌頭等。並無容隱。甘結注冊。

一改正戶籍。雍正元年議准。山西等省。有樂戶

一項。原屬忠義之後。其先世因明建文末。以不附。篡立被害。遂遭荼辱。編爲樂籍。世世子孫。不得自拔。爲良民。飭令各屬。嚴行禁革。令其改業。得爲良民。○又覆准浙江紹興府屬之墮民。賤辱已極。實與樂籍無異。行令削除其籍。俾改業自新。與民同列。○七年

諭。粵東地方。四民之外。別有一種。名爲蜑戶。卽徭蠻之類。以船爲家。捕魚爲業。通省河路。均有蜑船。生齒繁多。不可數計。粵民視蜑戶。爲卑賤之流。不容登岸居住。蜑戶亦不敢與平民抗衡。畏威隱忍。跼躄舟中。終



身不獲安居之樂。深可憫惻。蠶戶本屬良民。無可輕賤。擯棄之理。且彼輸納魚課。與民一體。安得因地方積習。強為區別。遂令飄蕩靡寧。著該督撫等。轉飭有司。通行曉諭。凡無力之蠶戶。聽其住船自便。不必強令登岸。如有力能建造房屋。及搭棚棲身者。准其在於近水村莊居住。與齊民一同編列甲戶。以便稽查。勢豪土棍。不得借端欺凌驅逐。並令有司。勸令蠶戶開墾荒地。播種力田。共為務本之人。以副朕一視同仁之至意。欽此。○八年覆准。江南蘇州府屬之常熟。昭文。二縣。丐戶。與浙江墮民無異。族居沿海。久

陷沉淪。准其削除丐籍。同列編氓。

一番民歸化。彙入版圖者。令專管官。編立保甲。查緝匪類。逢望日。宣講。

上諭。以興禮讓。○雍正十二年。

諭。聞四川重慶地方。昔年有成都府屬威茂等處蠻民。

每於冬初來此傭工。春煖始歸。歲以為常。近來有等姦蠻。自號大小頭目。各攜婦女。千百成羣。前來重慶對岸搭房居住。為娼流棍奸匪。亦皆溷跡其中。甚有關於地方風俗。朕思此等姦蠻。自應嚴查驅逐。免致滋事。但威遠等處回民。多藉傭工度日。若因此概行



禁止。不令出境。恐失其生理。又非情法之平。著傳諭該撫。轉飭地方官。實力稽查。除實係傭工力作之人。仍聽其往來居住外。若攜帶不良蠻婦。有關地方風化者。卽行逐回。交該管官約束。不許出境。并將流棍等。一并懲治。欽此。○十三年題准。福建臺灣府屬彰化縣生番。一百九十九名。彙入彰化縣版籍。歲

化縣生番。一百九十九名。彙入彰化縣版籍。歲  
鹿皮折銀二兩  
四錢彙入奏銷。○又題准。廣西慶遠府屬之宜

山縣龍門司接界索潭等六村。歸流土民一百

七十九口。歸入宜山縣版籍。熟田七十四畝。額

銀二兩六錢二分三毫。遇閏徵銀二兩七錢九分七釐零。升科徵本色米三石一斗六升七合

二。歸入宜山縣管轄。造入地丁奏銷。○乾隆二

年題准。臺灣府屬合番社向化生番。男婦二百

八十五口。附入臺屬版圖。歲貢鹿獐皮各一張。變價充餉。

一。安集流民。順治十一年覆准。各旗及富戶。有

能捐貲安插窮丁者。報部題請叙錄。○十二年

覆准。州縣官安插流民一千名至五千名者。准

與紀錄。督撫總計通省名數議叙。○康熙五年

題准。地方官招集流民一萬名者。紀錄一次。○

七年覆准。見任文武大小各官。有能捐貲遷移

四川流民歸籍。每百家以上者。紀錄一次。四百



家以上者。加一級。五百家以上者。加二級。六百家以上者。加三級。七百家以上者。不論俸滿卽升。召回之民。責令地方官安插。○乾隆元年覆准。蒙古人流移口外大通地方者。查明分晰安插。係有原管之扎薩克者。仍交與收管。其別無管轄者。交附近各部落安插。將戶口細冊送理藩院。其立有產業者。地方官估值。動支公項銀兩。按數給與。俾赴安插處所。別立產業。其原立產業。交地方官經營。如有民人情願承業者。卽照數定價歸項。令其執業。其無產業者。大口賞

羊六隻。小口賞羊四隻。酌量查明附近各部落分別安插。自清查安插之後。如有容留外來蒙古。將容留人治罪。失察官叅處。○三年題准。閩人住番年久。准其攜帶妻子回籍。如本身已故。所遺妻子等。許其在番親戚故舊帶回。若無親故。許將故父鄉貫族屬。并隨帶人口。書單交給船戶齎回。入口。報明汛弁。轉報地方文武官。按單點驗。將單轉發本籍。令族屬保領。如無保領。及姓名互異。卽行究治。其所帶回妻妾。不許別嫁。以杜拐販。



一賣買人口。雍正四年議定。漢人家生奴僕。印契所買奴僕。并雍正五年以前。白契所買。及投靠養育年久。或婢女招配已生子者。男屬世僕。永遠服役。女婚配。悉由家主。仍造清冊。呈明地方官存案。凡漢人買僕。及婢女招配。并投靠之人。均寫明文契。呈地方官鈐印。如有事犯。驗明報官冊契。照例治罪。



